



partii naleraq

Nuuk 24. oktober 2019
UPA 2019/26
Jens Napätök, Partii Naleraq

Inatsisartut Suleriaasiannut allannguutissatut siunnersuut.

Inatsisartut Siulittaasoqarfiat

Siullermeerneqarnera

Demokrati illersortariaqarpoq – nunap inuisa qinigaat oqartussaanerlu pitsaasuusariaqarpoq, kikkut tamarmik tusaaneqarsinnaanissaat aammalu anngussaqsinnaanissaat pingaaruteqartorujussuuvoq illersortuassallugu. Nipangersaasoqarani isummersortoqsinnaasariaqarpoq, ikinnerussuteqartut killilersugaanatik isummersinnaanerat annikillisarniarneqassanngilaq.

Suleriaaserput nutartertariaqarluinnarpoq naleqqussaqqittariaqarluinnarpoq pitsaanerumik suleriuseqarluta ingerlasariaqarpugut.

Ullormut oqaluuserisassat pitsaasumik naapertuutumillu inissisimasarnissaat pingaartuteqarput, piviusorsiorumik aqqissuussinikkut, soorlu maannakkut ulloq 24. oktober ullormut oqaluuserisassat immikkoortut 15-iupput.

Oqaluuserisassat ullormut taama amerlatigisut angumerineqarsinnaanngilluinnarput, uggornarporlu torernersumik piviusorsiornerusumillu aqqissuunneqartannginnerat.

Oqaluuserisassanik tunniusissarnerput uggornaqaaq nunap inuisa oqaasii atorlugit tunniussineq ajornarluinnartuummat, tassami aatsaat qallunaatuunngortinneqasimasut tunniunneqarsinnaapput.

Oqarasuaatit angallattakkat qarasaasiillu ataatsimiititaliat malinnaaffigineqarsinnaanerat eqqartorneqarput tamakku pillugit aqqissuussisoqarnissaa taakkartorneqarluni.

Aap Partii Naleqqamiit isumaqarpugut matoqqasuni ingerlanneqartussat matoqqasuussapput, kisiannili taamatut oqareerluta isumaqarpugut ataatsimiititaliat ataatsimiittarnerat ammanerulertariaqartut. Innuttaasut malinnaaruusuttut malinnaasinnaanissaat periarifssarsiorariaqarluinnartut isumaqarpugut.

Matoqqavallaqaaq ingerltseriaaserput suleriaaserput, ammanerusariaqarpoq innuttaasut pillugit ingerlatsinerput.

Taamatullu isumaqarpugut maanna apeqquteqarnerni annikillisaaniarnerit sakkortuumik apeqquserusukkatigit.

Ilmoorsinaanngilaq ukiut marloraaginnarluta maani inuiaqatigiinnut pingaaruteqartuni aaliangersaasarnert politikikkut oqallisigisarneri annikillarneqassasoq. Taamatut iliortoqarniarnera akuersaarsinnaanngilluinnarparput Partii Naleqqammit – Inuit qinigaat



partii naleraq

Nuuk 24. oktober 2019

UPA 2019/26

Jens Napätök, Partii Naleraq

oqalussinnaanerat annikillisarneqassanngilaq – demokrati annikillisarneqassanngilaq akerlianik demokrati nukittorsarrtariaqarpoq.

Apeqquteqaat aallaavigalugu oqallittarnerit inaarutaasumik Naalackersuisunut kaammattorneqqartarnerat atorunnaartariaqarpoq akerlianik Partii Naleqqamiit isumaqarpugut inuit qinigaasa, tassalu Inatsisartut amerlanerussuteqartut kaammattuutaat Naalackersuisunut iliuuseqarfigineqartussanngortariaqarput iliuuseqarnissamut, taamannalu qanoq iliuuseqarnissaminut pisussaaffigisariaqarpaat.

Ukiumut marloraaginnarluta Inatsisartut maannakkumut naapittarpugut, taamaammat apeqquteqaat aallavigalugu oqallittarnerit annikillisaaffigeqqinnagit aammalu sukateqqinnagit akerlianik pitsaanagerusumik pisariinnerusumillu aqutissiuuttariaqarluinnarput.

Inatsisartunut oqaluuserisassanngortitsisarneq ajornannginnerulertariaqarpoq ilumoorsinnaanngilarmi qinikkat oqaluuserisassanngortikkusutai sakkortuallaamik killilersorneqarnerat ingerlaqqiinnassasosq.

Apeqquteqartarnermi piffissarititaasoq 2. min naammagineqarani akissutigineqartartut killeqartaqaat, ilaatigut Naalackersuisuniit apeqquteqarfigisarnerani allatigullu ataatsimiiffimmi naaperiaanerit isumaqatigiinniarnertit ingerlaneranni toqqammavilersortarnermi piffissap killeqarpallaarnertarnerata inuiaqatigiinni aaqqitassat pingaaruteqartorujussuit ilaannikkut qaaginnarsiortumik eqqartuiffigilertarput.

Taamaammat maannakkut suli killilersornerooqqillugu oqaaseqarsinnaanerit allaat 1. minutsiinnanngortussanngorlugit siunnersuutigineqartut, kikkut tamarmik oqaaseqarsinnaanerannut killilersuinertut demokratiimik annikillisaalernertut taarusupparput. Demokrati annikillisarneqarani piorsaaffigiuartariaqartoruna ingammik nunap inui pillugit pingaaruteqartunik pitsaasumik politikkikkut aaliangertarnerit pisarnissaat eqqarsaatigalugit.

Naalagaaffiit Peqatigiit ataatsimiittarnissaanut partiit tamarmik peqataasarnissaat maannakkut anguniarneqarpoq, tamanna toqqaannartumik nunanut allanut suleqateqarnitta nukittorsarnissaanut suliniutit ajorinngikkaluarlutigit, kisianni aamma pingaartut isigaarput nunatta iluani inoqarfiit tikittarnissaat pingaartorujussuit ilaattut ilanngullugu nalilersiffiginissaa

Nunap inui qinikkanik tikinneqartannginnertik amigaatigisaqaat, taakku aamma ilanngullugit tusaaneqarnerunissaat innarlernagu akerlianik tikinneqartarnissaat qulakkeerniartariaqartut ilagilluinnarpaat.

Inatsisartut tassalu nunap inuisa qinigaat oqaaseqarsinnaanerit aammalu piunasaqarsinnaanerit tusaaneqarnerusariaqarput.



partii naleraq

Nuuk 24. oktober 2019

UPA 2019/26

Jens Napätök, Partii Naleraq

Siulittaasoqarfimmi inatsisartuni qinikkat amerlanerussuteqartut kissaataat malittariaqartarpaat.

Assersuutigalugu oqaluuserisasannngortitsiniarutta Inatsisartuni ilaasortat amerlanerussuteqartut siulittaasoqarfiup amerlanerussuteqartut kissaataat malittariaqarpaat.

Kingullermik inatsisartut taamatut kissateqarmata amerlanerussuteqartut qinikkat kissaataat partiilersorluni siulittaasoqarfimmi itigartinneqarpoq.

Siunnersuut qilagularartassanik pisasseeqqinnissamik Naalakkersuisut peqquneqarnissaanik imaqartoq inatsisartuni amerlanerussuteqartut tunniussaata siulittaasoqarfimmi itigartissutigineqarpoq.

Tassalu isumaqataannngitsut Inuit Ataqtigiit ilaasortaata marluk Demokraatiniillu ataaseq ikinnerussuteqartitsipput Inatsisartuniit amerlanerussuteqartut suliakkiissutigerusutaat.

Demokrati illersorneqarnerusariaqarpoq nunap inuisa qinigaat periarfissaqarnerusariaqarput annikillisaaviginagu tamanna annertusarlugu suleriaaserput aqqissuuttariaqarpoq.

Suleriaaseq pillugu naleqqussaaqqinnissaq peqqissaartumik sukumiisumillu suliarisariaqarpoq demokratiimut iluaqutaasumik aammalu pitsaanerpaamik innuutaasunut nunap inuinit pitsaanerpaamik kiffartuussinissamik aaliangertarnernik aallaaveqartumik.

Taamaammatt Partii Naleqqamiit nuannaarutigaarput suliaq manna oqaluuserisassannngorlugu saqqummiunneqarmat, taamaattorli uani maannakkut killiffik aallaavigalugu suli naleqqussaaqqinnissat aammalu demokrati innarlernagu aqqiinissat naleqqussagassat amerlaqimmata suliap suliaqqinnissaa kissaatipparput.

Taamaammallu suliap ingerlaqqinnginnerani suliareqqeqqaarlugu naleqqussaalluaqqeqqaarluni suliap ingerlaqqinnissaa kissaatigalutigu kingusinnerusukkut nutaamik qaqillugu siullermeerneqarnissaa kissaatigalutigu taamatut Partii Naleqqamiit oqaaseqarfigaarput.